



**VIS SEG FRAM:** Florø MC Klubb viste fram motorsyklane sine då dei kørde gjennom gatene i Florø laurdag formiddag.



**HAUKÅVATNET:** Anna Halvorsen (12) står stolt ved faren sin Harley Davidson.

## Florø MC Kl

**FLORØ:** Det braka laus frå motorar då Florø MC Klubb laurdag feira sitt 35-årsjubileum.

**MONA EIDE ONSTAD**  
redaksjonen@firdaposten.no

Det heile starta med ein køyretur gjennom byen for å vise fram dei tunge motorsyklane. Tilskodarar beskrev det som eit imponerende syn då dei cruisa gjennom Strandgata.

Vidare kørde dei til Haukåvatnet ved Brudesløret. Der vart det servering av god kaffi og mønstring av dei 24 motorsyklane som stod parkerte.

Klokka sju på kvelden fyrte dei opp grillen, og seinare sorgde

lokale band for mykje bra musikk. Stemninga var upåklageleg, og formann Roy Standal er storfornøgd med resultatet.

– Det var eit veldig bra arrangement, smiler han.

Roy Standal legg stor vekt på at klubben er open for alle.

– Alle er velkomne, om ein har lett eller tung motorsykkel, om ein er mann eller kvinne. Klubben er open for alle, stadfestar Standal. Han passar òg på å få med at det hadde vore flott med nye unge medlemmer som kunne komme inn i miljøet og lære av dei meir erfarne.

### Ulike arrangement

Dei har ulike arrangement utover året, men ville helst hatt meir.





Alle foto: Mona Eide Onstad

# ibb feira 35 år

– Vi har nokre småturar, som til Høyanger, der nesten heile klubben er med, smiler Solveig Willis, einaste kvinnelege medlem av Florø MC Klubb. Dei arrangerer også tre eller fire lengre turar i året der oppmøtet ligg på rundt fem. Der tek enkeltpersonar initiativ til køyreturar, og inviterer andre med seg. Dei har tatt turar til Skånevik og Jessheim, men også lengre som til Nord-Norge.

## Oppstarten

For 35 år sia var det fleire som køyrde motorsyklar i Florø. Dei var alle uorganiserte, og kjende seg til tider uglesett av samfunnet rundt seg. Nokre motorsykkelenusiastar vart då samde om å starte Florø MC Klubb.

– Saman er vi sterkare, seier Atle Kvellestad som var med å starte klubben. Dei danna eit fellesskap og eit sosialt samlingspunkt.

## Køyreglede

– Det finst fleire grunnar til at eg er så glad i å køyre motorsykel. Nummer ein er at det er eit veldig hending køyretøy, seier Kvellestad. – Nummer to er at eg har ei enorm køyreglede, legg han til.

– Og friheitskjensla, stemmer dei andre rundt han i. Det er ei herleg kjensle å køyre når alt er så ope rundt deg. Då kjenner du deg verkeleg fri.

Dei legg òg stor vekt på at å køyre motorsykel er svært miljøvennleg. Dei veg mindre enn

bilar, og forureinar derfor også mindre. – Det er eit heilt nødvendig køyretøy i store delar av verda, opplyser æresmedlemmen Olav Tveranger. Han refererer til Thailand, eit land som han meiner er heilt avhengig av motorsyklar og scooterar.

– Det hadde ikkje gått dersom alle dei skulle køyrt bil, humrar han.

## Yngst

Den yngste som var med på turen til Haukåvatnet var 12 år gamle Anna Halvorsen. Ho sat på med faren sin på ein Harley Davidson. Ho har sete på med motorsykel heilt sida ho var fire år gammal. – Det er veldig gøy, smiler Anna Ho har sjølv lyst på motorsykel når ho blir eldre.



HAUKÅVATNET: Pause på rasteplassen Foto: Mona Eide Onstad



GOD STEMNING: Lokale band skapte god stemning.



FESTPLASSEN: Klar for kvelden.



HAUKÅVATNET: Motorsyklar på rekke og rad.